



SEPTEMBER 2020

Volume 7 - Issue 29

The Salvation News

TSIS

TXHOB

THIM



“Thaum peb tseem ua neej nyob no txawm
yog peb tsis pom nws los peb
cia sia rau nws.”

~ 2 Kauleethaus 5:7

THE SALVATION NEWS

Koo Kuum Zoo



COPYRIGHT © 2010-2020 by **The Salvation News**
All Rights Reserved. Revised 2019

No part of this publication may be reproduced in any form or by any means without the publisher's prior written permission

THE COVER

July - September 2020
Vol. 7 - Issue 29

Tsis Txhob Thim

Table of Contents

ARTICLES

- 4 **Worship Location**
Chaw Teevhawm Vajtswv

- 5 **Twv Vajluskub**
Koj Paub Vajluskub Npaum Licas?

- 12 **30 Nqe Lus Qhuab Ntuas**
Pajlug 22:22-24:22

- 14 **COVID-19 vs YEXUS**
By Vachinzong Lor

- 15 **We Believe/Peb Kev Ntseeg**
SCG 14th Doctrines





CALIFORNIA LOCATION:

1. **Fresno Salvation Church of God**
4626 E. Dakota Ave, Fresno, CA 93726
Pastor Xenger Jeremy Xiong, (559) 310-0229
Lead Deacon Timothy Xiong, (559) 301-5992
2. **Living Gospel Salvation Church of God**
918 Sierra Drive, Modesto, CA 95351
Pastor Leng W. Xiong, (209) 556-4285
Elder Chertzong Xiong, (209) 331-3561
3. **Marysville Salvation Church of God**
5286 Feather River Blvd, Olivehurst, CA 95961
Tubtxib Kou Yang (Tswv Pab), (530) 218-6851

MINNESOTA LOCATION:

4. **Hmong Salvation Church of God**
540 Wheelock Pky E, St. Paul, MN 55106
Rev. Sia Ge Kong, (612) 760-2678
5. **Redeemer Salvation Church of God**
5050 Hodgson Road, Shoreview, MN 55126
Pastor Chueneng Yang, (612) 845-9305
Asst. Pastor Chentzeng Vaughn, (612) 280-8444

WISCONSIN LOCATION:

6. **Milwaukee Salvation Church of God**
7256 W. Center Street, Wauwatosa, WI 53210
Rev. Vachinzong Lor, (414) 731-2160
Elder Thai John Xiong, (414) 239-4894
7. **New Salvation Church of God**
3565 Finger Road, Green Bay, WI 54311
Pastor Anthoni Kao Her, (920) 784-8696
Elder Chong Thong Ly, (920) 246-5474

FLORIDA LOCATION:

8. Florida's Congregation
19655 Willow Road, Wimauma, FL 33598
Elder Walong Lo, (941) 786-0369



Twv Vajluskub

By Chu-Yin T. Her

Koj Paub Vajluskub Npaum Licas?

A: Xaiv seb nqe lus teb twg thiaj li yog

(Cov nqe twv Vajluskub ntawm no yog muab hauv phau Vajluskub Mikhas los)

1. Leejtwg sau phau ntawv Mikhas?
 - A. Yudas
 - B. Ahas
 - C. Mikhas
 - D. Mikhayees
2. Muaj pestsawg tshooj ntawv nyob rau hauv phau Vajluskub Mikhas?
 - A. 5
 - B. 7
 - C. 9
 - D. 13
3. Mikhas hais txog yav tom ntej yuav tshwmsim rau leejtwg?
 - A. Xamalis & Yeluxalees
 - B. Yeluxalees & Kalilais
 - C. Yudas & Xamalis
 - D. Naxales & Kalatias
4. Vim licas phau Vajluskub Mikhas yog ib phau uas tseemceeb ua luaj thiab?
 - A. Hais txog ib tug vajntxwv yuav los kav Xamalis
 - B. Hais txog cov neeg Yixalayeas lub neej quaj ntsuag
 - C. Hais txog ib tug neeg tseemceeb yuav yug los rau hauv lub zos Npelehees
 - D. Qhia txog nomtswv Loos yuav sawv los kav Yudas

B: Sau qhov lus teb rau ntawm txoj kab

5. Nej tseb noob _____, tiamsis nej yuav tsis muaj _____ sau. Nej tsum txiv ntoo _____, tiamsis nej yuav tsis muaj _____ siv. Nej tsum cawv txiv _____, tiamsis nej yuav tsis muaj _____ haus.

6. Twv yog vim nej ntag, lub nroog _____ thiaj raug luag muab laij ib yam li laij teb, lub nroog _____ yuav raug luag muab rhuav kom puastsuaj tas ua ib pawg, thiab lub pov roob uas ua lub _____ rau yuav caij ua havzoo.
7. Ntu uas Yauthas, Ahas, thiab _____ ua vajntxwv kav tebchaws _____, tus TSWV tau hais tejlus no rau _____.

C: Tseeb los Tsis Tseeb

8. Txhua haivneeg, nej cia li mloog tej lus no; txhua tus neeg uas nyob hauv ntiajteb, nej cia li mloog tej lus no! _____
9. Nej muab tej pojniam uas kuv yog kuv haivneeg ntiab tawm hauv lawv tej tsev uas yog lawv lub chaw tshua thiab nej tsis pub lawv tej menuam los yuav kuv txoj koobhmoov mus ibtxhis. _____
10. "Peb cia li nce mus rau saum tus TSWV lub ncov roob, mus rau saum cov Yixalayeas tus Vajtswv lub Tuamtsev." _____

D: Leejtwg yog tus hais qhov lus no?

11. "Thaum txog lub sijhawm lawm, kuv yuav sau tagrho cov neeg uas kuv tau rau txim rau kom luag ntes koj mus ua qhev txomnyem ntsuav ntawd rov qab los nyob uake dua." _____
12. "Kuv yuav coj abtsi tuaj cuag Yawmsaub thiab pe Vajtswv uas nyob lub chaw siab? Tsim nyog kuv coj menuam nyuj hnuv nyoog muaj ib xyoo tuaj ua kevcai hlawv xyeem rau nws lov?" _____
13. "Kuv tus yeebncuab 'e, tsis txhob zoo siab thum luag kuv. Thaum kuv ntog los kuv yuav rov sawv tau, thum kuv nyob hauv qhov tsaus ntuj, Yawmsaub yuav ua qhov kaj rau kuv." _____



Chu-Yin T. Her

“Yog li ntawd, nej yuav tsum zov zoo zoo rau qhov nej tsis paub hais tias thaum twg nej tus Tswv yuav rov los. Tej zaum nws yuav los thaum tsaus ntuj lossis thaum ib taghmo lossis thaum qaib yuav qua lossis thaum kaj ntug. Nyob tsam nws los tamsim thiab pom nej tseem pw tsaug zog. Tej lus uas kuv qhia rau nej, kuv hais rau sawvdaws ib yam nkaus hais tias nej yuav tsum zov tos!” - Malakaus 13:35-37

TSIS TXHOB THIM

Lub sijhawm no muaj ntau yam kabmob kev nkeeg ntau heev. Koj yuav tsum ceevfaj thiab ntseeg Vajtswv tiagx. Tsis txhob cia lwm tus dag koj mus ua kev phem kev qias. Vim koj los ntseeg Vajtswv ntev heev lawm tsis txhob thim rov qab. Nia siab hlo mus lawm yav tom ntej. Muaj ib hnub koj yuav tau txais Vajtswv txoj koobhmoov.

Tig rov qab mus saib koj lub neej yav tag los yuav pom tias Vajtswv hlub koj heev. Tsis yog Vajtswv txojkev hlub ces koj twb thim rov qab lawm. Tiamsis vim yog Vajtswv txojkev hlub xwb koj thiaj li nias siab hlo ntseeg Tswv Yexus. Txawm nyuaj npaum licas los ua siab ntev tiv tsis thim. Qhov koj ua lino, qhia tau rau lwm tus hais tias koj ntseeg Vajtswv tiagx.

Txojkev nkees (laziness) yuav ua rau tsis pom koj lub



homphiaj tom hauv ntej. Tsis txhob nkees ntseeg Vajtswv, tsis txhob nyuaj siab txog lwm tus, tsis txhob ntshaw luag tug, thiab tsis txhob pw tsaug zog zoo li cov neeg tubnkeeg pw noj pw haus. Koj yuav tsum siasiv khov kho, npaj lub siab tusyees, nyeem Vajtswv Txojlus tsis tseg, thiab qhuas Tswv Yexus lub npe txhua lub sijhawm koj thiaj yuav ua tau ib tug qaav zoo rau sawvdaws xyaum. Vajtswv yuav tsaus siab heev thiab yuav muab nqizog rau koj.

Vajluskub hais nyob rau hauv Filipis 4:13 hais tias, **“Kuv yeej ua tau txhua yam vim muaj Vajtswv uas txhawb kuv lub zog.”** Koj puas paub tias Vajtswv tuaj koj tog? Tseeb tiag, Vajtswv tuaj koj tog koj twb tsis paub. Yog lino yuav nkees ua abtsi? Tsis txhob cia txojkev nkees ua rau koj tsis xav mus pehawm Vajtswv, tsis xav kawm Vajluskub, tsis xav mus txhawb cov ntseeg, thiab tsis xav mloog Vajtswv Txojlus. Cia li ua Vajtswv tsaug uas Nws niaj hnuv tsonkwm koj.

Txhob pw tsaug zog cov ntseeg. Lub sijhawm no tsis muaj mus teevhawm Vajtswv zoo li yav tag lawm los nco ntsoov noog cov ntseeg moo thiab mloog Vajtswv cov nkauj txhawb siab, koj thiaj nyob ze rau ntawm Vajtswv. Yog koj tsis ceevfaj koj lub siab qub yuav yuam kom tso ib puas tsavyam tseg tsis mus koom cov ntseeg. Tsis txhob mloog lus suab cuav ntawd. Koj yuav tsum cia siab rau Vajtswv. Tus Tswv yuav tiv thaiv tsis pub koj raug kev txomnyem. Amees!

Lub sijhawm no lub ntiajteb hloov lawm deb vim yog muaj tus kabmob Covid-19. Yog li ntawd koj yuav tsum tuav koj txojkev ntseeg kom ruajx khovx tsis txhob qaug zog. Vajluskub hais nyob rau hauv Henplais 11:1 hais tias, **“Kev ntseeg yog qhov uas peb paub tseeb hais tias peb yuav tau tej uas peb cia siab rau thiab yog qhov uas peb cia siab ntsoov rau tej uas peb qhovmuag tsis pom.”** Koj yuav tsum cia siab rau Vajtswv cov lus sau nyob rau hauv Vajluskub. Cia Vajntsujplig tus Dawbhuv kav koj lub neej koj thiaj nyob kajsia thiab muaj kev cia siab. Vajluskub yeej hais tseg tias muaj ib hnuv tom ntej, Vajtswv yuav muab txojkia ntev dhawv mus ibtxhis rau tus uas tiv dhau txojkev txomnyem (Yakaunpaus 1:12). Tsis txhob thim rovqab tiamsis yuav tsum nias siab hlo tawd qhawd ntseeg Vajtswv tsis ntshai leejtwg thiab tsis tso Vajtswv tseg.

Yog koj tsis ntseeg Vajtswv mus kom txog qhov kawg muaj ib hnuv tom ntej koj yuav plam Vajtswv lub ceebtsheej ntuj. Hnuv ntawd yuav tu siab los

kuamuag tsis paub tag. Tsis txhob cia lwm tus ntxias tau koj. Tsis txhob nyoo swb rau txojkev ntseeg Vajtswv. Txawm hais tias txojkev ntseeg Vajtswv yuav nyuaj npaum licas los ua siab ntev tiv. Thaum kawg koj yuav tau nqizog.

Muaj ntau zaus koj yuav xav hais tias xyov Vajtswv puas nrog kuv lossis puas tseem hluv kuv? Tsis txhob tag kev cia siab. Vajtswv yeej hluv koj kawg nkaus. Twb vim yog Vajtswv txojkev hluv, nws thiaj tso nws Leej Tub, Yexus Khetos los tuag saum tus khaublig ntoo theej koj lub txhoj. Tsis txhob thim vim koj twb los ntseeg Vajtswv ntev lawm. Muaj ib hnuv koj yuav tau txojkia ntev dhawv mus ibtxhis (Yauhas 3:16). Amees!

The word "WALK" is written in a large, bold, blue-outlined font with a white fill. The letter 'A' is stylized with a winged shape on its left side, suggesting movement or flight.

The letters "BY" are written in a large, bold, blue-outlined font with a white fill. The letter 'Y' is stylized with a winged shape on its left side, suggesting movement or flight.

The word "FAITH" is written in a large, bold, blue-outlined font with a white fill. The letter 'A' is stylized with a winged shape on its left side, suggesting movement or flight.



GoToMeeting



ONLINE CHURCH SERVICES

NYOB ZOO!

Caw koj thiab koj tsevneeg koom nrog peb hawm Vajtsv saum huabcua txhuax Hnub So (Saturday). Cia siab hais tias yuav ntsib koj rau hnub ntawd. Thov Vajtsv tso mkwm koj.



COMPUTER LOG ON

Nyob rau ntawm koj lub computer/laptop browser koj sau: www.gotomeeting.com/meeting/join-meeting. Dhau ntawd koj sau tus Access Code lossis tus ID# nram qab no los koom peb.

Access Code: 236-675-525



CELL PHONE CALL IN

Nyob rau ntawm koj lub xovtooj, koj ntau tus xovtooj nram qab no; dhau ntawd koj ntau tus Access Code lossis tus ID# los koom peb.

1+ (646) 749-3122
Access Code: 236-675-525

WORDS OF WISDOM

“Koj cia li thov kuv, kuv yuav teb koj; kuv yuav qhia tej txujci tseemceeb uas koj tsis tau paub rau koj.”
- Yelemis 33:3

Answer From Page: 5

1. C, Mikhas (1:1)
2. C, 7 (1-7)
3. A, Xamalis, Yeluxalees (1:1)
4. C, Hais txog ib tug thawjcoj yuav yug los rau hauv 1 ub zos Npelehees (5:2)
5. Npej, Qoobloo, Roj, Roj, Hmab, Cawv (6:15)
6. Xi-oos, Yeluxalees (3:12)
7. Hexekiyas, Yudas, Mikhas (1:1)
8. A, Yog (1:2)
9. B, Tsis Yog (2:9)
10. A, Yog (4:2)
11. Tus TSWV (4:6)
12. Mikhas (6:6)
13. Cov Neeg (7:8)



Vachinzong Lor

NPAJ TUSKHEEJ

MUS TXAIS YAM YUAV HLOOV

“Saib maj, kuv yuav qhia ib zaj uas muab npog cia tobx lawm rau nej. Peb sawvdaws yuav tsis tsaug zog tag huvsi, tiamsis peb txhua tus yuav raug plhis dua tshiab.”

~ 1 Kaulethaus 15:51



Lub neej tsis ceevfaj,

tsis xav, tsis txhawj, tsis paub, cuab tsis tim, tsis txawj, tsis totaub, thiab npaj tsis txhij rau thaum muaj xwmtxheej hloov lossis txawv txav. Sob lus saumno tsis tau txhais tias koj tsis paub txog tegnum lossis lub neej yuav hloov. Yeej paub zoo tias tomntej lub neej yuav hloov tabsi thaum lub sijhawm hloov los txog koj hloov tsis tau vim yog tsis ceevfaj.

Xyoo 1980 lub sijhawm kuv tsiv tebchaws Nplog los ua neeg tawgrog nyob hauv lub zos Vibnai, Thaibteb. Thaum sau npe thiab xamphaj tiav yuav mus tebchaws America, paub meej lawm tias, ib hnuv yuav tau mus txawv tebchaws. Txawm paub meej li ntawd los yeej tsis ceevfaj, tsis xav, tsis txhawj thiab tsis nrhiav kev kawm pab tuskheej txog kev hloov yav tomntej. Paub zoo tias, lub sijhawm los txog, hnuv ntawd yuav mus America yeej tsis nrhiav kev kawm seb lub neej nyob America puas zoo li lub neej nyob

hauv yeej tawgrog thiab lubneej nyob hauv niamtxiv tsev. Coobx leej ntshai yuav zoo ibyam nkaus li hais los no. Qhovtseeb, yog tsis paubtab, tsis txhawj txog lubneej yav pemsuab, tsis ras txog tsam muaj kev hloov. Thaum txhua yam tshwmsim thiab muaj kev hloov lawm mam ras txog ces lig heev.


Kuv tseem nco tau lub sijhawm peb ya davhlau tawm hauv Thaibteb tuaj txog tebchaws America. Ya davhlau tawm hauv Bangkok, Thaibteb, tuaj tsaws rau Hongkong thiab dhau ntawd tuaj tsaws rau lub tshav davhlau San Francisco International Airport. Dhau ntawd, cov tuav tegnum pab refugee resettlement, muab tsheb thauj peb mus pw rau ntawd ib cov tsev nyob sab ntug nroog ntawm San Francisco. Lawv coj peb so rau ntawm ib cov tsev Public Housing nyob ntawm ib phab ntavtoj. Lub tsev no muaj ob xab. Sab hauv plaub (4) yim sab saum plaub (4) yim. Lawv muab peb tsevneeg mus nyob rau ib chav ntawm cov tsev ntawd. Dua li lwmm chav lawv coj ib pab tub hluas Nplog los pw vim peb sawvdaws puavleej yog neeg tawgrog (refugee) tuaj Thaibteb tuaj. Sawvdaws pw ib hmo ntawm cov tsev li hais tagkis kajntug lawv mam rov tuaj tos thiab thauj sawvdaws rov ya nyobhoom mus kom txog chaw thiab mus ntsib tus sponsor.

Lub sijhawm sawvdaws mus txog rau ntawm cov tsev qhov chaw so li hais lawm, cov tibneeg pab peb hais tias, *“Nej pw ntawm no. Hmono peb yuav nqa mov zaub tuaj rau nej noj. Tagkis sawvntxov peb yuav rov tuaj tos nej mus ya davhlau mus ntsib nej tus sponsor.”*

Thaum yuav tsausntuj, kuv thiab cov tub hluas Nplog, peb sawvdaws tawm tuaj ua-ke rau ntawm ib chav tsevdej (shower room). Chav chaw siv dadej ntawd muaj ntau tus kaisdej (shower faucets). Kuv ibleeg yog Hmoob dua li 4-5 leej hluas yog Nplog. Peb sibtham lus Nplog xwb. Muaj tus kais qhib dejkub thiab qhib dejtxias. Sawvdaws npaj txhij tso dej yuav ntxuav cev (take shower) tabsi tsis muaj tus paub qhib dej. Qhib tus kais dejkub ces dej kub tawm los kubx heev da tsis taus. Muab tus

dejkub kaw ho qhib tus dejtxias, dej txias tawm los txiax heev da tsis taus. Ua li hais no ntej loo thiab sawvdaws luag zomzaws yam tsis paub xav tias yog ua cas dejkub yuav kub ua luaj? Tso dejtxias ho yuav txias ua luag? Tsis muaj tus yuav ras txog tias qhib dejkub los tov dejtxias thiaj tau dej zov. Yog vim licas pab tub hluas Nplog thiab kuv, peb tsis paub? Sawvdaws paub zoo tias yuav mus ua neej rau tebchaws America tabsi vim sawvdaws tsis ceevfaj, tsis ras, tsis nrhiav kev kawm kom paub txog lub neej ntu yuav hloov. Thaum muaj kev hloov thiaj npaj tsis txhij.

Muaj ib tug txivtsev piav ib zaj hais txog tawm Thaibteb mus rau tebchaws America tibyam nkaus. Pab neeg tawgrog li hais tuaj tau ua-ke coob heev vim ntau tsev yimneeg muaj npe mus America ua-ke, lawv muaj kwvyees 100 leej. Tus txivtsev ntawd hais ntxiv tias, lub sijhawm lawv tawm hauv yeej



tawgrog Vibnai tuaj txog rau Bangkok ntawm tshav davhlau. Thaum tuaj txog ntawm tshav davhlau, uantej yuav mus nce davhlau, sawvdaws los txoos ua-ke rau ntawm lub roovjag zov tos davhlau. Cov tibneeg ua num pab cov neeg tawgrog uas koj kev txawm faib ib cov pampers los rau txhua yim vim yuav siv qhwv menyuum pobtw lub sijhawm mus nce nyobhoom thiab tau siv rau thaum nyob hauv nyobhoom. Thaum faib cov pampers los rau sawvdaws tag, tus twg los tsis paub xyov yog muab cov pampers no los ua abtsi? Vim sawvdaws tsis paub luag lus zoo. Luag qhia los tsis totaub. Koj saib kuv, kuv saib koj seb yuav muab cov pampers no siv licas?

Tus txivtsev no hais ntxiv tias, muaj qeelej hauv lawv pab ntawd kuj yog cov qubnom qubtsuw, kaulaunias ua thawjcoj nyob Loojceeb. Thaum kawg cov thawjcoj txawm muab cov pampers ntawd qhwv kotaw. Txhua leej uas tau txais cov pampers txawm muab qhwv kotaw huvsim vim lawv hais tias, cov thawjcoj twb muab qhwv kotaw lawm ces nyaj yog siv daim pampers no los qhwv kotaw. Ua li ntawd ua rau cov tibneeg ob cag (neeg Thaib thiab cov neeg ncig tebchaws) pom, sawvdaws muab pampers qhwv kotaw ua rau luag xav tsis thoob? Tej yam zoo li tus txivtsev hais no kuj txaus luag kawg. Qhov tseeb yog tsis paub kiag li vim tsis ceevfaj tsis npaj rau kev hloov.

Tomqab lub 2 hlis hauv xyoo 2020, tibneeg nyob hauv lub ntiajteb kev ua-neej muaj ntau yam hloov. Ntau yam ntawm cov kev hloov, yuav hloov mus li thiab yuav tsis rov los zoo li qub lawm. Ntxiv ntawd tej kev hloov li hais kuj tsim tau ntau yam tshiab thiab txawv. Tej yam tshiabx li hais, koj yuav nyiam thiab tsis nyiam los yuav tau txais los siv thiab yooj yuav ua rau siab ntsws ntxhov, kev ua num ua tsis raws siab nyiam, tsis taug txoj kab txoj kev qub thiab tsis yog yam koj swm kiag li. *Pivtxwv li ntu dhau los, ib txoj nkauj lossis ib daim CD nkauj, koj yuavtsum ua kom tiav thiab koj mus muag koj thiaj tau nyiaj los ntawm daim CD nkauj ntawd. Tabsi nimno, koj muab ib txoj nkauj hauv daim CD koj mus tso tawm rau hauv Facebook lossis YouTube rau tibneeg mloog, thaum sawvdaws mloog coob lawm, qhov ntawd dhau mus ua nyiaj txiaj los rau koj.* Tej no puavleej yog kev hloov.

Hnub no mus rau yav pemsuab, Salvation Church of God, Inc., kev coj, pab, txhawb, kawm, kev teevhawm thiab kev nqistes ua num raws li ib txwm muaj, yuav hloov. Muaj qee yam twb hloov hlo tsis

“Thaum kawg cov thawjcoj txawm muab cov pampers ntawd qhwv kotaw. Txhua leej uas tau txais cov pampers txawm muab qhwv kotaw huvsim vim lawv hais tias, cov thawjcoj twb muab qhwv kotaw lawm ces nyaj yog siv daim pampers no los qhwv kotaw.”

ua li yav tag los? *Pivtxwv li kev teevhawm. Niajhnub no tsis muaj kev teevhawm hauv lub tuamtsev li ntu nramntej. Kev teevhawm yuav ncuu mus ntev npaum licas tsis muaj leejtwg paub? Ntxiv ntawd, tegnum txoos ua pab pawg los tibyam nkaus. Sawvdaws tuaj koom tsis tau ua pab pawg coob npaum coob tau li yav tag los. Txawm tibneeg lub siab coj dav thiab nyiam kev phoojywg coob los yuav ua tsis tau raws li siab xav. Hmoob sob lus tias, **“Chaw nqaim los siab tsis nqaim. Tsev ti los siab tsis ti.”** Nimno yuav tau hais tias, **“Siab dav, chaw dav los kevcai nqaim. Chaw tsis ti, siab tsis ti, tabsi kevcai ti.”***

Kev ua-neej thiab ua num hauv Salvation Church of God cov thawjneeg tabtom nrhiav, tsim, thiab txhim kho peb tej kev ua num kom mus raws li ntiajteb muaj rau lub sijhawm tus teebmeem Covid-19 tabtom huam tsis tau xaus. Peb twb paub li sob lus hais dhau los saumno lawm yog li, peb yuavtsum ceevfaj, txhawj, nrhiav, kawm, thiab nqistes sub thaum txhua yam hloov los txog, sawvdaws thiaj npaj txhij rau txhua yam uas yuav hloov.

30

NQE LUS

QHUAB NTUAS

Pajlug 22:22-24:22

-1-

Koj txis txhob mus txeeb cov neeg pluag tug, vim lawv hais txis taus; txis txhob mus txeeb cov neeg uas txis muaj leejtwg pab hauv tsev tu plaub ntiag tug. Tus Tswv yuav ua tus hais lawv tej plaub thiab txov txhua tus ua txov lwm tus txojsia lawm.

-2-

Tsis txhob ua phoojywg nrog cov neeg uas siab ceev thiab ua nruj ua tsiv. Nyob tsam koj mus xyaum ua li lawv thiab hloov sis tau li lawm.

-3-

Tsis txhob coglus them lwm tus tej nuj nqi. Yog koj them txis taus, txawm yog koj lub txaj pw los luag yuav tuaj nqa mus.

-4-

Tsis txhob txav tus ciamteb qub uas koj tej yawgkoob tau tu tseg.

-5-

Koj puas pom cov neeg uas yog kws txawj thiab ua tau lawv tes haujlwm zoo? Lawv yuav tau ua haujlwm rau vajntxwv, txis yog ua rau tej pejxeem.

-6-

Thaum koj nrog ib tug neeg tseemceeb noj mov ua ke, nco ntsoov hais tias nws yog leejtwg. Yog koj qablos heev, yuav tsum tswj koj kev noj thiab haus. Tsis txhob zoo siab rau tej zaub mov qab qab uas nws rau los; tej zaum yog nws muab los sim koj xwb.

-7-

Yuav tsum ua neeg ntse, tsis txhob cia nyiaj txiaj yuam tau koj ua qhev. Rau qhov tib ntsais muag xwb, koj tej nyiaj txiaj yuav ploj tas ib yam li tus dav uas muaj tis ya.

-8-

Tsis txhob nrog tus neeg qi dub noj mov saum nws lub rooj lossis zoo siab rau tej zaub mov qab qab uas nws

rau los. Nws yuav hu hais tias, “Cia li los noj,” tiamsis nws lub ncauj lam hu xwb, nws lub siab txis yog li ntawd. Koj yuav ntuav tej uas koj noj lawm tawm, thiab tej lus zoo uas koj hais los yuav txis muaj qabhau.

-9-

Tsis txhob ntuas tus neeg ruam. Nws yuav muab koj tej lus saib txis muaj qabhau.

-10-

Tsis txhob txav tus ciamteb qub uas tus tseg lawm lossis txeeb cov menyuum ntsuag tej av. Tus Tswv uas muaj hwjchim yuav tuaj lawv tog thiab pab lawv ua ncauj ua lus tawmtsam koj.

Continue To Next
Quarter Newsletter

COVID-19

By Vachinzong Lor

COVID-19 VS YEXUS

“Yawmsaub lub suab muaj hwjchim loj heev, Yawmsaub lub suab nrov ntxhe ntw.”

- Ntawv Nkauj 29:4

Lub 2 hlis ntuj xyoo 2020 rov rau ntu dhau los, tsis muaj tibneeg npaj thiab xav tias ntshai yuav muaj tus xwmtxheej kabmob Corona Virus tshwmsim. Kabmob Corona Virus tshwm hauv lub nroog Wuhan tebchaws Suav Tuamtshoj deb heev nyob rau ib txhee ntuj. Tsuas yog xovxwm muab tham nrov nroontws thoob ntiajteb, peb yeej tsis xav txog tias ntshai nws yuav tshwmsim los txog rau hauv tej zejzog uas nyob rau ib ntsee ntuj. Sawvdaws tsuas paub tias, tus kabmob li hais muaj zog thiab txaus ntshai.

Lub ob (2) hlis dhau mus txuas rau lub peb (3) hlis thiab txij thaum ntawd los txog niajnub no, ntau yam hauv ntau tegnum nyob hauv ntiajteb txawm cia li hloov. Txhiabx leej tibneeg kev ua-neej nyob hauv ntau lub tebchaws txawm cia li ploj ntsejmuag lawm ntsiag to. Cov tibneeg li hais tiagx yeej tsis yog thiab tsimnyog poob rau txoj kev nruamsim tabsi lawv txawm ciali raug nruamsim vim tus kabmob Corona Virus (Covid-19).

Kabmob Covid-19, tegnum nrhuav tshem tibneeg txojksia li hais, nws nchav heev thiab nws nyiam kis rau lwm tus yam tsis xaiv hlo li. Txawm nws chiv hauv lub nroog Wuhan Suavteb xwb los tsis ntev nws txawm kis mus thoob plaws rau hauv ntiajteb. Txhua lub tebchaws nyob hauv ntiajteb puav leej raug kabmob Covid-19 vim yog sibkis li hais. Tegnum yuav txwv thiab cheem kom tus kabmob Covid-19 nres, yog cheem cov tibneeg kom tibneeg tsis txhob tuamchoj rau tus kabmob hla ntawm ibtug mus kis rau lwm tus. Vim kabmob Covid-19 dhia tsis dhau 6 hneevtaw deb (6 feet). Yog tibneeg nyob sib nrug li 6 hneevtaw deb lawm kabmob Covid-19 cia li tuag thiab tsis muaj fwjchim. Ntxiv ntawd, nws tsis muaj fwjchim

**“Txoj kev tuag,
koj swb lawm lauj!
Txoj kev tuag, koj
tej taug tsuag tas
lawm lauj!”**

yuav peem dhau daim ntaub khwb qhovncauj (face mask) txeeem mus rau hauv tibneeg lub cev.

Txij ntawm lub 3 hlis los txog rau lub 9 hli dhau los lawm no, kabmob Covid-19 kis thooob plaws ntiajteb thiab nws quabyuam ntau txhiab leej tibneeg ua rau lawv tau tag txojtsia. Muab saib thiab muab ntsuas yuav pom tias, nws tus taug uas yog kev tuag khiav ceev heev. Niajhnuv no los kabmob Covid-19 tseem tsis tau dhau. Yog xav tias 6-7 lub hlis xwb kabmob kis thooob plaws ntiajteb kuj yog nws khiav ceev heev.


Muaj ib yam tseemceeb thiab heev tshaj tus kabmob Corona Virus. Yam ntawd yog ib tug txivneeg nqis saum nruabntug los ua tegnum theejtxhoy uas nws tshwmsim tau ob txhiab (2000)

tawm xyoo dhau los. Muaj tibneeg muab ib tug txivneeg li hais no cab mus ntsia rau saum tus Khaublightoo, lawv xuas hmuov nkaug Nws sab tav thiab thaum kawg Nwg tau tag txojtsia rau saum tus Khaublightoo. Dhau ntawd, tibneeg muab Nws koj mus faus rau hauv qhovntxa. Tomqab muab Nws faus tau peb (3) hnuv, hnuv peb (3) Nws tau sawv hauv qhovtuag rov los muaj txojtsia. Nws ciaj lawm tiagx thiab tsis tuag ib zaug li lawm vim Nws twb tuag lawm tiagx, tabsi Nws kov yeej txoj kev tuag. ***I Kaulethaus 15:55, “Txoj kev tuag, koj swb lawm lauj! Txoj kev tuag, koj tej taug tsuag tas lawm lauj!”***

Tus txivneeg ntawd rov ciaj los muaj txojtsia thiab txoj sia Nws tau ntawd yog txojtsia ntev nyob ruaj khov mus txiajpuamvam. Tus txivneeg uas tuag lawm tabsi rov ciaj sia uas hais no yog Yexus, neeg Naxalev. Lub sijhawm Nws sawv rov muaj txojtsia, Nws cov thwjtim pom thiab lawv pib qhia zaj xwmtxheej uas Nws sawv, tib pliaq xwb thooob plawv lub ntiajteb hnov tag nrho tias, tus Yexus Naxalev uas raug tibneeg muab tua lawm, rov

sawv muaj txojtsia thiab yuav nyob mus ib txhis. Dhau ntawd, tib pliaq xwb tibneeg coob heev thooob plaws lub ntiajteb, thaum chiv thiab niajhnuv nimno los sawvdaws cia li ntseeg thiab los txais yuav Yexus ua lawv tu cawmseej thiab dhau los ua Nws cov thwjtim.

Tibneeg txawm yuav seev zomzaws tias, kabmob Covid-19 tshwmsim los raug tibneeg nraug nruamsim nto txhiabx leej tabsi yog muab piv rau tus xwmtxheej Tswv Yexus los tuag tau peb (3) hnuv Nws sawv rov los thiab Nws sawv los koj tibneeg nto million... million leej tibneeg ua rau sawvdaws ciaj sia. Xwmtxheej Yexus sawv rov muaj txojtsia tsis yog ua rau tibneeg nruamsim li kabmob Covid-19 ua rau tibneeg tag txojtsia tabsi Nws ua rau tibneeg rov muaj txojtsia. Kabmob Covid-19 ua rau tibneeg nraug kev nruamsim tabsi xwmtxheej Yexus raug tuag tau peb (3) Nws rov muaj txojtsia yog pab kom tibneeg rov ciajtsia. Xwmtxheej kabmob Covid-19 tsis ntev yuav tuag mus tabsi xwmtxheej Yexus Sawv, yuav tsis tuag, yuav cia mus ibsim ntuj.



Peb Ntseeg

We Believe

Tib Tug Vajtswv Xwbknkaus (The One True God)

Muaj tib tug Vajtswv xwbknkaus. Nws yog tus tsim ntuj tsim teb thiab Nws yeej ibtxwm nyob thaum chivkeeb los lawm. Tus TSWV xeemxwm yog vajpebleeg: Leej Txiv, Leej Tub, Yexus Khetos, thiab Vajntsujplig tus Dawbhuv. Efex. 4:6; I Tim. 2:5

Vajtswv Txojlus (The Holy Scripture Inspired)

Phau Vajlugkub Qub thiab Vajlugkub Tshiab yog Vajtswv Txojlus tseeb. Vajtswv Txojlus tsis muaj ib qho yuamkev thiab yog Txojlus qhia peb ua neej. II Tim. 3:16

Kev Tsim (The Creation)

Vajtswv tsim noobneej muaj Vajtswv tus yamntxwv zoo li Nws. Vajtswv tsim txhua yam uas peb lub qhovmuag pom, qhovmuag tsis pom, yam uas nyob saum ntuj, nyob hauv ntiajteb, yam uas nyob hauv qab vuamsaws uas muaj nyob thiab tsis muaj nyob huv tibi. Chiv. 1:1, 27; 2:4; Yauh. 1:3

Noobneej Poob Kev Txhaum (The Fall of Man)

Noobneej yog Vajtswv tsim los nrog Vajtswv sib raug zoo. Vim noobneej tsis mloog Vajtswv lus, noobneej thiaj noj lub txiv ntoo uas txwv tsis pub noj, noobneej thiaj tau txais lub cim tuag. Chiv. 2:16-17; 3:6

Kev Cawmdim (The Redemption [Salvation])

Kev cawmdim yog los ntawm Vajtswv tus Tub, Yexus Khetos. Nws yug los ua neeg thiab nws yog Vajtswv. Nws tsis muaj ib qho kev txhaum thiab nws cov ntshav los ntxhuav peb lub txim. Mt. 1:18, 22-23; Efex. 1:7

Koom Ua Ib Lubcev Ntawm Tswv Yexus (The Body of Christ [The Church])

Txhua tus ntseeg uas nyob thoooplaws txhua lub tebchaws, txawm hais yam lus twg, nyob deb lossis nyob zeb puavleej koom ib lub cev ntawm Tswv Yexus. Lk. 22:19-20; Efex 4:3-5; 5:23

Tus Ntsujplig Uas Dawbhuv (The Holy Spirit)

Vajntsujplig tus Dawbhuv yog tus pab uas Yexus Khetos txib los pab peb thiab txhawb peb lub zog. Tus uas ntseeg Yexus Khetos tus ntawd yuav tau ua kevcai rausdej thiab yug dua tshiab hauv Vajntsujplig tus Daw-

bhuv. Yauh. 7:37; Tes Hauj. 4:8

Lub Neej Dawbhuv (The Sanctification)

Tus ntseeg nws yuav tsum ua nws lub neej dawbhuv. Nws muab tej kev phem kev qias tso povtseg. Nws muab nws lub neej fij tagrho rau Vajtswv. Loos 12:1-2

Tshaj Txojmoo Zoo (The Great Commission)

Vajtswv samhwm kom cov ntseeg cia li tawm mus qhia txojmoo zoo rau txhua haivneeg hauv qab ntuj no kom hnov, paub, ntseeg, thiab los txais Tswv Yexus los ua laww tus Tswv thiab tus Cawmseej. Mt. 28:19-20

Kev Khomob (The Divine Healing)

Lub hwjchim khomob nkeeg, ntiab dab, thiab tej txujci yog los ntawm Yexus Khetos. Nws pub nws lub hwjchim rau nws cov tubtxib siv. Mt. 8:3; Lk. 8:26-33

Tus Neeg Tuag Lawm Yuav Ciaj (The Blessed Hope)

Thaum tus Tswv Yexus Khetos rov qab los saum ntuj los, cov ntseeg uas pw tsaug zog (nruamsim) lawm yuav sawv rov qab los. Cov ciaj thiab cov tuag yuav mus ntsib tus Tswv Yexus Khetos sawm ib nta ntuj. I Thex. 4:16-17

Tswv Yexus Kav 1,000 Xyoo (The Millennium Reign of Christ)

Cov ntseeg uas dawbhuv yuav nrog Yexus Khetos kav ibtxhiab xyoo ua ntej yuav muaj kev txiavtxim zaum ob. Tshwmsim 20:4-6

Kev Txiavtxim Thaum Kawg (The Final Judgment)

Txhua tus neeg tsis hais tus uas muaj sia thiab tsis muaj sia lawm yuav tau los sawv ntawm tus Tswv lub rooj Txiavtxim. Tus Tswv yuav txiavtxim raws li nyias te- gnum ua yav tag los. Tshwmsim 20:14-15

Lub Ceebtsheej Tshiab Thiab Ntiajteb Tshiab (The New Heaven and New Earth)

Lub ntuj Ceebtsheej Tshiab thiab Ntiajteb Tshiab yuav tshwm tuaj. Lub ceebtsheej qub thiab ntiajteb qub yuav ploj mus. Cov ntseeg Yexus Khetos yuav mus nyob hauv lub ceebtsheej thiab lub ntiajteb tshiab mus ibtxhis. Tshwmsim 21:1-4, 27

Salvation Church of God, Inc.
The Salvation News
PO Box 1204
Olivehurst, CA 95961

Copyright © 2020 by SCG. All Rights Reserved. No part of this publication may be reproduced in any form or by any means without the publisher's prior written permission.

News Report



Caw tsoom xibfwb, txwjlaug,
fajthwj, niamtsev, txivtsev
thiab tub-ntxhais hluas
yog nej muaj xovxwm zoo
xav muab tsotawm,
email rau
Xf. Tswv-Yeej T. Hawj.

Newsletters are posted quarterly.

Visit SCG website:
www.salvationchurchofgod.org
Email: cher@salvationchurchofgod.org



Salvation Church of God, Inc. Main Office
4626 E. Dakota Ave • Fresno, CA. 93726 | Telephone: (414) 232-3844 • (530) 218-6851
Email: scgmainoffice@salvationchurchofgod.org | Website: www.salvationchurchofgod.org